

Friday, August 14, 2026

Time - 2:30pm - 2:35pm

AKASHVANI AIZAWL
REGIONAL NEWS UNIT

BJP MIZORAM -FCRA

Mizorama sakhaw puithiamten tualchhung sum thawhkhawm hmanga Biak in, sikul, Building leh thil dang an sakte FCRA Amendment Bill hmanga laksak theih tur anga an sawi chu he Bill ah hian a tel lo tih BJP Mizoramin a sawi.

Vawiina Aizawl Press Club-a thuthar thehdarhtute an kawmnaah BJP Mizoram hruaitute chuan he thu hi sawiin, BJP Mizoram State General Secretary, Chief Spokesperson ni bawk Pu Delson Notlia chuan FCRA Amendment bill-in a tum ber chu FCRA Registration hmanga Foreign Donation dawngtu ten sum dik tak leh langtlang taka an hman theihna tur leh ram leh hnam kalh zawng (Anti National Activities) atana hman sual a nih loh nan he bill hi ruahman a ni a ti a. Tunhnaia Council Of Churches in Mizoram (CCM) huaihawta FCRA duh lohna lantirnaah, Mizoram sakhaw puithiam ten FCRA chungchang a thu dik tawk lo mipuite hnenah an sawi tih sawiin, FCRA kaltlanga Foreign Donation dawn atang nilova, tualchhung sum thawhkhawm hmanga lei leh Biak In, sikul, Building leh a dangte laksak theih tur anga an sawi kha FCRA Amendment Bill ah a lang tel lova, khatiang thu an sawi ta mai kha pawl an tih thu a sawi.

Byte: Delson Notlia

Pu Delson-a chuan he Bill hi Lok Sabha a putluh a nih khan, India ram a Christian pawl leh NGO thenkhat te chuan an duh loh thu an thlen twh a, Pu Amit Shah chuan FCRA Bill 2026 chu Kristian sakhua tin zawna bik a nih loh thu leh National Security tana ti an nih thu te a lo hrilh a, Pu Jonathana Lalremruata ten an hmuhna ah phei chuan Pu Amit Shah chuan Kristian te tinzawn a nih loh zia lanna a lo hrilhfiah a, FCRA kaltlang a, India in Foreign Contribution Kum 2025-2026 (FY) chhungin cheng vbc 17,000 a lo luh thu leh hemi atanga Kristian ten a FCRA Fund kan dawn chu zaa 15, cheng vbc 3000 vel chauh a ni thung a. Heta tang ringawt pawh hian Kristiante hrek tumna avanga FCRA Amendment Bill hi tih a nih loh zia a lang Chiang Hle tih a sawi a ni.



SERCHHIP

Serchhip Bawrhsap Pu Paul L.Khuma'n sorkar sum bawm hi phai thei lo a ni lova, a zen lo turin kan zen reng chuan harsatna kan tawh thei a ti.

He thu hi vawiina Pension la lo tur la thin te hnena, an pension hlan tura hma la tura infuihna- Serchhip District huap Programme on Sensitisation of Voluntary Surrender of Pension Payment Order, Sub Hqrs YMA Serchhip hall a neih, khuallian nia a hmanpuinaah a sawi a. He hun Serchhip Treasury Officer Pi Vanlalmangaihi kaihhruaiah hian Bawrhsap chuan- Sorkarin a hnathawkte a hmangaih avangin an

thih hnu pawha an chhungte mangan lutuk loh nan pension a ruahman a. Lak theih dan a duan baka la la te chungah zahngai taka hma la in, nawr luih ngai lova an mahni in hriattir mai turin a ti a. Thu awih tak leh dik taka thil tih mai hi ringtute tan chuan thil inhmeh tak, mahni tan ni love mi dang tanghma atana inpekna a ni a ti.

Vawiina Serchhipa Pension dan dik lo a la te inpe tura fuihna hun hi chawhma leh chawhnu hunah then niin, chawhnu lamah chuan zawhna leh chhanna hun hman a ni a. Hun hmannaa tel Kohhran hruaitu, VC leh chanchinbu-mite chu an thu hriat te a hre tur te hnenah uar taka sawi chhawng tura chah an ni..

Lawngtlaiah pawh Mizoram Sorkarin dan kalha Family Pension late Sorkara in hriattir tura hun a hawnmek chungchangah vawiin khan Lawngtlai ah Family Pension late kokhawmin thil nihdan hrilhfiiah an ni.

He hun hmanpuitu Lawngtlai Bawrhsap Pu Donny Lalruatsanga chuan Sorkar chuan a hnuai hnathawkte duhsakna a neih theih ang ang pein a enkawl a, Sorkar hna an thawhtheihloh hnu leh an mahni pawh an boral hnuah pawh a chhungkaw tan Sokar chuan hamthatna a siama, he Family Pension hi diktaka kalpuitur a nih lain, Sorkar atanga hamthatna dawn rem tawhlo, Family Pension la si an awm chu a pawiin, dan palzutna a nih bakah a Kristianlo a ni a ti a, hetiang mi Lawngtlai District a awmte chuan Sorkarin huntha a hawnlai kumin September Ni 30 hmam thuneitute hnenah kalin inchingfel turin a chah a, hun hawn laia inchingfellote chu Sorkarin a zawnchhuah tho dawn vangin an tan phurrit a tling thlei dawn a ni a ti.

Lawngtlai Treasury Office atangin Pension la mi 1017 awmin heng zinga 400 chu Family Pension la an ni.



PARTITION HORRORS REMEMBRANCE DAY

Kum 1947 a, ram thendarh anih avanga mipuite tawrhna hriatrengna ni, Partition Horrors Remembrance Day vawiin hian rampumah hman a ni a.

He ni pual hian India ram khawpui ber New Delhi bakah state dangah pawh hun hman a ni a, ram thendarh a nih avanga tuartu te, nunna hlantute leh an chenna in tihchhiatte te tawrhna hriatpuina ni a ni a, thangthar te pawhin he tawrhna man to zia an hriat ve theihna tura hun hi hman tura duan a ni.



CIVIL AVIATION MINISTER

Civil Aviation Minister K Rammohan Naidu an tun Parliament Session chu opposition party ten an tihbuai nasat avangin aviation lamin zawhna chhan hman a ni lo a, a pawi takzet a ni a ti,

Social Media post siamin Pu Naidu a chuan tun session ah khan Civil Aviation kaihhnawih zawhna Starred Question 28 a lai a lut tih sawiin mipuiten vansang inthlunzawmna leh airport tha an duh zia lanna a ni a, amaherawhchu an phu ang tawk hun an hmu theilo chu a vanduaithlak hle a ni a ti.

